



Broj: T18 0 KT 0018000 25
Brčko: 31.10.2025. godine

Optužnica potvrđena dana 06.11.2025. godine

Na osnovu člana 35. stav (2) tačka i) i člana 226. stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

A.G. zvani „Z...“, rođen 1987. godine u Brčkom,

Što je:

- 1a) Dana 01.09.2024.godine, u ulici Z.M. broj ..., Brčko distrikt BiH, u stanju bitno smanjene računljivosti uslijed hroničnog alkoholizma, u namjeri pribavljanja protivpravne imovinske koristi došao do dvorišta porodične kuće vlasništvo B.S., a potom svjestan da oduzima tuđu stvar, a što je i htio, iz frižidera u šadrvanu oduzeo i prisvojio 7 limenki piva „Zlatni pan“ i 1 limenku „Stella Artoa“, a potom došao do neobezbijedenog pomoćnog objekta iz kojeg je oduzeo dvije brusilice marke „Makita“, i „Alpha Tools“, punjač sa baterijom marke „Stihl“, punjač sa baterijom marke „Einhell“, komplet alat „Bokser“, mali trimmer za ogradu sa punjačem i baterijom, hobla marke „Alpha Tools“, hilti marke „Alpha Tools“, 50 metara produžnog kabla, auto akumulator crne boje, nepoznate marke, a sa stuba ograde oduzeo 6 panela žičane ograde koji su bili zaključani lancem, te otišao do pomoćnog objekta u kojem je oduzeo dvije boce rakije, čime je za sebe pribavio protivpravnu imovinsku korist u vrijednosti od oko 4.000,00 KM, a za koji iznos je oštetio vlasnika,

dakle, oduzeo tuđu pokretnu stvar s ciljem da njenim prisvajanjem pribavi sebi protivpravnu imovinsku korist

- 1b) Dana 05.09.2024. godine u ulici Z.M. broj ..., Brčko distrikt BiH, u stanju bitno smanjene računljivosti uslijed hroničnog alkoholizma, u namjeri pribavljanja protivpravne imovinske koristi, došao do kuće vlasništvo S.A., a potom svjestan da oduzima tuđu stvar, a što je i htio, iz neobezbijedenog pomoćnog objekta oduzeo kosačicu marke „Gardena“ i metalnu šinu dužine 3 metra, čime je za sebe pribavio protivpravnu imovinsku korist u vrijednosti od oko 650,00 KM, a za koji iznos je oštetio vlasnika,

dakle, oduzeo tuđu pokretnu stvar s ciljem da njenim prisvajanjem pribavi sebi protivpravnu imovinsku korist

2. Dana 10.12.2024. godine u ulici Z.M. broj ..., Brčko distrikt BiH, došao do vozila marke „VW Touareg“ registarskih oznaka ... vlasništvo Dž.M., koje je bilo parkirano ispred objekta mjesne zajednice, pa svjestan i sa namjerom da ošteti tuđu stvar, a što je i htio, razbio jednu staklenu flašu kojom je potom izgrebao desnu bočnu stranu stranu vozila i to u predjelu od zadnjeg desnog blatobrana sve do prednjih desnih vrata, čime je na takav način pričinio štetu vlasniku vozila u iznosu od oko 1.000,00 KM

dakle, ošteti tuđu stvar

3. Dana 08.02.2025. godine u ulici Z.M. broj ..., Brčko distrikt BiH, došao do neobezbjedene porodične kuće u vlasništvu S.H., ušao u unutrašnjost kuće, te u stanju bitno smanjene uračunljivosti uslijed hroničnog alkoholizma, iako svjestan da će bacanjem užarenog predmeta odnosno opuška od cigarete na gorivu materiju izazvati požar, a što je i htio, te olako držeći da se požar neće proširiti na imovinu većeg obima, bacio zapaljeni opušak od cigarete na veš koji se nalazio u sobi, usljed čega je došlo do požara koji je obuhvatio unutrašnjost kuće, a koji požar je izazvao opasnost za objekte u blizini opožarenog objekta jer je postojala mogućnost prenošenja požara u slučaju da je izostala blagovremena intervencija od strane vatogasne službe

dakle, zapalio tuđu kuću i požarom izazvao opasnost za imovinu većeg obima

čime je radnjama opisanim pod tačkom **1a.** i **1b.** počinio produženo krivično djelo – Krađa – iz člana 280 stav (1) Krivičnog zakona Brčko distrikta BiH u vezi sa članom 55 istog Zakona, radnjama opisanim pod tačkom **2.** počinio krivično djelo – Oštećenje tuđe stvari – iz člana 217 stav (1) Krivičnog zakona Brčko distrikta BiH, a radnjama opisanim pod tačkom **3.** počinio krivično djelo – Paljevina – iz člana 294 stav (1) u sticaju sa krivičnim djelom – Izazivanje opšte opasnosti – iz člana 317 stav (4) Krivičnog zakona u vezi sa članom 54 istog Zakona

[...]

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica****
